

Loop



氹仔舊城區藝術空間 解二元對立



2016.10.07, Fri

澳門近年本地藝術作品有如雨後春筍，好多藝術家利用澳門獨特地理同文化背景進行創作，新舊交替。澳門地區方面有大家熟悉嘅仁慈堂婆仔屋，而氹仔舊城區最近有全新藝術空間開幕，喜歡幽靜中睇藝術文化嘅大家，機會嚟啦。



喺氹仔木鐸街10號嘅氹仔舊城區藝術空間近日開幕，而頭炮活動亦隨即展開。藝術家林家豪

係澳門塗鴉先驅，經常以 P.I.B.G. 綽號游走澳門街頭，今次舉辦個人作品展覽《P.I.B.G.：踩界》，試圖將藝術、空間、道德同社會議題等界線模糊化，調和二元對立嘅衝突。

P.I.B.G. 話要送份禮物畀澳門呢個城市，於是將社會形態呈現藝術作品當中，將純真同狡猾2個角度重新演繹。展覽由即日起至2017年1月8號，逢星期二至星期日展出。



圖片來源：氹仔舊城區藝術空間